

萬 有 文 庫

第 二 集 七 百 種

王 雲 五 主 編

讀 史 方 輿 紀 要

(八)

顧 祖 禹 輯 著

商 務 印 書 館 發 行

讀史方輿要紀

(八)

顧祖禹輯著

國學基本叢書

讀史方輿紀要

卷二十

宛溪顧氏原本

江南二

江寧府

東北至鎮江府二百里，西南至太平府一百三十五里，西至和州一百三十里，西北至滁州一百四十五里，東北至揚州府二百二十里，至京師二千五百五十里。

禹貢揚州之域，春秋時吳地。

舊志云：左傳長岸地也。按昭十七年，吳伐楚，司馬子魚戰於長岸，大敗吳師，獲其乘舟餘皇。杜氏曰：長岸楚地，或以爲在今無爲州濱江，此不言所在之地，蓋傳疑耳。

戰國屬

越後屬楚，楚威王初置金陵邑。

相傳因地有王氣，埋金鎮之故名。

秦改曰秣陵，屬郢郡。漢初屬荊國，後屬吳，又屬江都國。

元封初，屬丹陽郡。

丹陽圖自句容以西屬郢郡，以東屬會稽郡。元封二年始改郢郡爲丹陽。

後漢因之，孫吳自京口徙都此，改秣陵曰建業。

建安十六年孫權所

改晉平吳，移置丹陽郡，兼置揚州治焉。

時改建業曰建郢。

元帝都建業。

建興初避愍帝諱，又改建郢曰建康。

改丹陽太守爲尹，宋齊梁

陳因之，隋平陳郡廢於石頭城，置蔣州。大業三年復曰丹陽郡。唐武德三年置揚州，七年改爲蔣州。八

年復為揚州。置大都督府。九年揚州移治江都。以金陵諸邑分遷宣潤二州。至德二載置江寧郡。乾元元年改為昇州。

時又置浙西節度使治焉。上元初州廢。大順元年復置。唐末楊氏於昇州建大都督府。五代梁貞明三年徐溫徙鎮海

軍治昇州。六年改為金陵府。石晉天福二年南唐李氏都之。改為江寧府。謂之西都。而以江都為東都。宋復為昇州。天

禧二年升為江寧府。建康軍節度。仁宗初封昇王也。建炎二年改為建康府。時建行都置行宮留守。元為建康路。至元二十三年自杭州移江南

諸道行御史臺治此。天歷二年改為集慶路。元史云以文宗潛邸故也。明初定都於此。曰應天府。領縣八。今改為江寧府。

府前據大江。自金陵北向則大江當其前。南連重嶺。牛首鴈門諸山。憑高據深。形勢獨勝。孫吳建都於此。西引荆楚之固。東集吳

會之粟。以曹氏之強。而不能為兼并計也。諸葛武侯云。金陵鍾山龍蟠。石頭虎踞。帝王之宅。王導亦云。

經營四方。此為根本。蓋舟車便利。則無艱阻之虞。田野沃饒。則有轉輸之藉。金陵在東南。言地利者。自

不能舍此。而他及也。晉咸康中。蘇峻入建康。郗鑒自廣陵起兵赴難。遣間使至尋陽。謂溫嶠曰。或聞賊

欲挾天子東入會稽。當先立營壘。屯據要害。既防賊越逸。又斷賊糧運。然後堅壁清野。以待賊。賊攻城

不下野無所掠。東道旣斷。糧運自絕。必覆潰矣。嶠從之。峻繇此敗。宋元徽二年。桂陽王休範自尋陽舉兵。東下。蕭道成曰。昔上流謀逆。皆因淹緩致敗。休範必遠懲前失。輕兵急下。乘我無備。今應變之術。不宜遠出。若偏師失律。大沮衆心。宜頓新亭。白下。堅守宮城。東府。石頭。以待賊至。千里孤軍。後無委積。求戰不得。自然瓦解。我請頓新亭。以當其鋒。征北守白下。

時張永爲征北將軍

領軍屯宣陽門。時劉勳爲領軍。

爲諸軍節度。破

賊必矣。從之。休範果敗。梁敬帝初。徐嗣徽以譙。秦二州附於齊。引齊兵入石頭。攻建康。陳霸先問計於韋載。載曰。齊師若分兵先據三吳之地。略地東境。則時事去矣。今急通東道。轉輸分兵。截彼之糧道。則齊將之首旬日可致也。霸先從之。齊兵敗却。隋末。杜伏威據丹陽。雄於江東。其後輔公祐繼之。幾成東南之患。唐武氏之亂。徐敬業等起兵揚州。其黨薛仲璋曰。金陵有王氣。且大江天險。足以爲固。不如先取常潤。爲定霸之基。然後北向。以圖中原。進無不利。退有所歸。此良策也。敬業從之。至於敗亡。蓋迷於事機。而地利不足恃矣。杜佑曰。自孫吳以金陵立國。其後晉宋踵其成轍。猶能北問中原。下逮梁陳。雖疆土漸蹙。而聲教所通。尙爲四方繫望。豈非東南都會。恆在建康歟。宋胡安國曰。建康以三吳爲東門。荆蜀爲西戶。七閩二廣爲南府。李綱曰。建康控引二浙。襟帶江淮。漕運貯穀。無不便利。然必淮南有藩。

籬形勢之固。然後建康爲可都。後唐李氏有淮南。則可以都金陵。其後淮南爲周世宗所取。遂以削弱。又言萬乘所居。必擇形勢。以爲駐蹕之所。舉天下形勢而言。關中爲上。以東南形勢而言。則當以建康爲便。衛膚敏曰。建康外連江淮。內控湖海。實爲東南要會。張浚曰。東南形勢。莫重建康。實爲中興之本。張守曰。建康自六朝爲帝王都。江流險闊。氣象雄偉。據要會以經理中原。依險阻以捍禦強敵。可爲行都。以待恢復。而吳芾亦言於高宗曰。建康控帶襄漢。經略淮甸。請留此以繫中原之望。張卨亦言。有中原之形勢。有東南之形勢。今縱未能遽爭中原。宜進都金陵。因江淮蜀漢閩廣之資。以圖興復。李光曰。建康之地。進可以戰。退足以守。自建康至姑熟。一百八十里。其隘可守者有六。曰江寧鎮。曰礪砂夾。曰采石。曰大信。其上則有蕪湖繁昌。皆與淮南對境。其餘皆蘆篠之場。或崎岸危磯。水勢湍悍。難施舟楫。莫若預於諸隘屯兵積粟。竭力固守。時會一至。卽北向以清中原。王應麟曰。金陵倚山帶江。九州天險。胡三省曰。建康控制長江。呼吸之間。上下千里。足以虎視吳楚。應接梁宋。蓋宋人不能忘情於中原。故規畫建康。爲最詳也。明太祖初起兵。馮國用進策曰。金陵龍蟠虎踞。眞帝王都。願先拔金陵而定鼎。然後命將四出。掃除羣寇。天下不難定也。太祖從之。遂以廓清六合。然而用金陵者。亦不可不知其方。陳瑊先嘗謂太祖曰。集慶右環大江。左枕崇岡。三面據水。以山爲郭。以江爲池。地勢險阻。利於步戰。若南

據溧陽東擣鎮江。西扼太平。據險阻。絕糧道。自可不戰而下。故太祖定太平。卽命徐達等克溧水。溧陽。

句容。蕪湖。乃攻集慶。而燕王破盛庸於浦子口。

見江浦縣。

諸將請徑薄京城。王曰。鎮江咽喉之地。若城守不

下。往來非便。先下鎮江。彼勢益孤矣。會鎮江守將來降。乃趨京師。堃先之言。安在不可與邠鑒之策。相衡而論哉。

今府城卽明京城。亦六朝時故都也。舊志云。吳大帝築都城。東晉至陳。皆因之。其城近覆舟山。去秦淮

五里。內爲宮城。

建康宮闕簿。吳大帝所築苑城也。東晉以後亦曰宮城。亦曰臺城。亦曰苑城。

周六里一百十步。有門六。

所謂臺城六門也。宋武陵王駿討元凶。勅勅兵敗。閉守六門。梁侯景叛。逼建康。

梁主分遣韋黯等屯六門。又湘東王繹

謂王僧辨。六門之內。自極兵威。卽此。

南曰大司馬門。

宮苑記。大司馬門。南直宣陽門。梁書。侯景攻臺城。縱火燒大司馬門。及東西華諸門。又斫東掖門。羊侃擊却之。旣而梁主幸大司馬門。又太子綱遣

孟恭。自大司馬門出。盪恭降於景。其門內曰雲龍門。則殿前正門也。晉咸和三年。蘇峻逼臺城。羊曼勒兵守雲龍門。宋景平二年。徐羨之等廢立。引兵入雲龍門。元嘉末。元凶劭弑逆。從萬春門入。其黨張超之等馳入雲龍門。及齊閣。拔刃徑上合殿。齊永明末。中書郎王融欲矯詔立竟陵王子良。以子良兵禁諸門。蕭鸞亟馳至。排雲龍門而入。旣而鸞弑鬱林王昭業。自尙書省入雲龍門。時國子祭酒江敦被召入宮。至雲龍門。托藥發吐車中而去。又東昏侯末。王珍國等謀行弑。其黨開雲龍門。引兵入殿。梁天監二年。謝朓詣雲龍門。詔見於華林園。是也。建康實錄云。宮牆第二重。東曰萬春門。吳宮東門曰蒼龍門。後改爲萬春門。在東面南頭。東華門。宮苑記。晉之東掖門。後爲東華門。西曰西華

門。宮苑記晉西掖門後改爲西華門。梁書太清三年侯景攻臺城爲求和詔盟於西華門外。

大陽門

在西面南頭晉太和六年桓溫廢立帝奕步下西堂乘犢車出神虎門或曰即大陽門也。梁書陶宏景脫朝服掛神虎門又侯景再攻臺城邵陵世

子堅屯大陽門其書佐董勛等於城西北樓引景衆攻城城陷實錄又云神虎門宮牆第二重西面門亦曰神武對第三重宮牆之千秋門宮苑記宋元嘉二年於苑城東西立萬春千秋二門齊改萬春爲雲龍千秋爲神虎似悞。

北曰承明門

宋桂陽王休範之亂蕭道成在新亭以臺城危逼遣兵自石頭濟淮從承明門入衛宮省既而道成黨王敬則弑蒼梧王道成入自承明門梁侯景圍臺城江子一等開承明門出與諸弟皆戰死是也又有南掖左掖右掖北掖及端門止車諸門蓋宮門名云晉桓元篡位聞桓謙等爲義師所敗遂出南掖門西遁齊永元初始安王遙光叛據東府城左將軍沈約馳入西掖門尙書令徐孝嗣等共出南掖門二年崔慧景等作亂其將崔恭祖突入北掖門乃復出既而恭祖勸慧景燒北掖樓慧景不從時蕭懿屯南掖門處分城內三年蕭衍圍宮城別將楊公則屯領軍府壘北樓與南掖門相對城中以弩射之既而衍克臺城公則率麾下陳於南掖門梁天監初齊東昏侯嬖臣孫文明等率其徒入南北掖門作亂燒神虎門總章觀入衛尉府敬帝初徐嗣徽據石頭引齊兵至闕下侯安都守臺城開東西掖門出戰大破之陳禎明末隋將賀若弼來伐燒北掖門而入是也建康記六朝宮門正南曰端門梁時又置石闕於端門外又有東宮城在臺城東其南門曰承華東門曰安陽西門曰則天或曰奉化宋元凶劬弑逆呼左衛率袁淑停車奉化門即西門也一云臺城六門大司馬門闔闔門萬

外爲都城周二十里十九步有門十二

晉自元帝渡江以後諸城門皆用洛陽舊名宋齊梁陳皆因而不改通釋晉初有宣陽門至成帝作

春門廣莫門大通門千秋門也。

新宮始修都城開陵陽等五門與宣陽門爲六似十二門又後所增置唐許嵩建康實錄都城三重外重六門宣陽廣陽津陽清明建陽西明也。

正南曰宣陽門

本洛陽南面西頭第一門名也晉太寧二年王敦將沈充錢鳳渡淮突犯宣陽

門咸和三年蘇峻作亂庾亮率衆將陳於宣陽門內隆安二年王敦殷仲堪自京口江陵舉兵逼建康焚謝琰屯於宣陽門元興初桓元逼建康至新亭會稽世子元顯陝於宣陽門外三年劉裕討元入建康詔桓溫神主於宣陽門外宋桂陽王休範之亂蕭道成將張

敬兒斬休範將杜黑驪於宣陽門。齊永元末，蕭衍東下，王茂等敗東軍於大航，長驅至宣陽門。梁太清二年，侯景渡朱雀航，入宣陽門，是也。宣陽之南五里，曰朱雀門。又南六里爲國門，見後朱雀桁。

宣陽之東曰平昌門。

宮苑記

宮城北面最東曰平昌門。宋曰承明門，恐誤。

又東曰開陽門。宣陽之西曰津陽門。

實錄云：宋元嘉二十五年改開陽曰津陽，恐誤。

正東曰東陽門。東陽之南曰

清明門之北曰建陽門。

亦曰建春門。齊明帝時，王敬則起兵會稽，以奉南康侯子恪爲名，子恪從吳郡自歸，建陽門是也。

正西曰西明門。

一名白門。宋元嘉二年討徐羨之等，殺害營陽廬陵之罪。

羨之承詔至西明門外，齊東昏侯末問蕭衍克江郢云：須來至白門當一決。旣而衍使陳伯之屯西明門，梁元帝初，王僧辨等討侯景，景軍敗，諸軍逐北至西明門，景至闕下，不敢入臺，遂東走。敬帝時，徐嗣徽引齊兵逼建康，陳霸先出西明門大敗之，是也。金陵記：建康西門曰白門。西明之南曰廣陽門。

初曰陵陽門，後改。梁大同七年，吏部尙書蔡撝除交趾，并詔爲廣陽門，郎詔恥之，遂還鄉里作亂。

門之北曰闔闔門。

實錄：宮城南面次東爲闔闔門，後改

爲南掖門，俗謂之天門。

北面之東曰廣莫門。

晉咸康初，石虎南寇，遊騎至歷陽，帝觀兵廣莫門以備之。咸安末，妖人盧悚農攻陳時謂之端門，恐誤。

於廣莫門，齊崔慧景之亂，自鍾山西巖而下入廣莫門，是也。又宋紀：元嘉二十五年，

西曰大夏門。

宮苑記：都城十二門，南四門，最西曰陵陽，後改廣陽，正門曰宣

新作闔闔，廣莫二門，旋改廣莫曰承明門，蓋作都城之闔闔，宮城之廣莫，非此門也。陽稍東曰開陽，後改津陽，最東曰清明，東面二門，南曰東陽，北曰建春，後改建陽，西二門，南曰闔闔，北曰西明，北四門，西曰大夏，中曰元武，齊時改宣平，稍東曰廣莫，陳改北捷，最東曰延熹，今考之與正史不合。又建康實錄與宮苑記所載宮城及都城諸門參錯不一。姑削。又自晉以來，於秦淮南北兩岸，設籬門五十六，所謂之郊門，亦曰籬門。

宮苑記：東晉以後，建康城之外城，惟設竹籬，而有六門，齊高帝建元

二年命改築都牆俗仍謂爲籬門永元初始安王遙光舉兵東府城詔左興盛屯東籬門明年崔慧景作亂復遣左興盛拒之於北籬門又蕭衍東下至新林分遣陳伯之等據西籬門又有國門梁天監七年作在越城東南亦曰望國門侯景入犯使羊侃領千騎頓望國門侯景入臺城前朝宮闕大都灰燼陳時復加修葺至隋師入建康宮殿陵園城垣廬舍悉皆平蕩是也

六朝舊迹蔓草荒烟無僅存者矣隋開皇九年平陳詔建康城邑宮室並平蕩耕墾更於石頭城中置蔣州唐又廢州以其地屬潤州其後始更置州郡楊吳時改築城垣跨

秦淮南北周回二十五里五代史梁貞明六年徐溫遣陳彥謙城金陵後唐長興三年徐知誥復廣金陵城周二十里爲八門東西南北四門而外泝秦淮而東者曰上水門沿秦淮而西者曰下水門西之南曰柵寨門舊鑿城

立柵以通古運漕元時亦置閘以泄城內積水入江俗呼爲總子口又西南爲龍光門云內爲子城周四里有奇亦曰牙城有李氏從而都之晉天福二年徐知誥大抵

承楊吳之舊宋南渡後雖設行宮留守而無所增加宋於子城內置昇州治後爲建康府治紹興二年以明初建

爲京師更新城闕乃益廓而大之東盡鍾山之麓西阻石頭之固志云自楊吳以來城西皆據石頭岡阜之脊明初亦因其制北控湖山

南臨長干而秦淮貫其中橫縮紆徐周九十六里內則皇城奠焉在京城內之東偏當鍾山之陽正門曰洪武門南直正陽門東

曰東安門西曰西安門殿基在宋元東城外舊燕雀湖地其西安門以北宮牆即都城故址東出青溪橋處也又有舊內城亦在京城中宋紹興二年即建康府治爲行宮在東錦繡坊元至元二十三年爲行御史臺治至正十六

年太祖入金陵建軍府於此。尋爲王府。又建爲皇宮。比於皇城。大內宮闕成。稱爲舊內。又今府治在西錦繡坊。大元初故治也。後遷徙不一。明初復改置於此。

都城凡十三門。南曰正陽門。正陽之西曰

通濟。秦淮水繇此入城。故上水門也。

又西曰聚寶。

本舊南門。太祖更名。

西南則曰三山。

亦曰水西門。秦淮下流經此。故下水門也。

曰石城。

本舊西門。亦曰大西門。太祖更名。城邑考。石城門。卽周顯

王三十六年。楚威王所築金陵邑城之地也。明初鼎新京城。唯南門。大西。永西。三門尙仍舊。而易以新名。

北曰太平門。太平之西曰神策。又西曰金川。

靖難師至。李景隆獻門處也。

曰鍾

阜。東曰朝陽門。西曰清涼門。清涼之北曰定淮。曰儀鳳。

後塞鍾阜儀鳳二門。存十一門。都城記。都城自舊東門外。截濠爲城。沿淮水北崇禮街地。開拓八里。增南出門二。曰通濟。

曰正陽。自正陽以東。增東出門一。曰朝陽。自鍾山之麓。圍繞而西。抵覆舟山。建北出門。曰太平。又西據覆舟。雞鳴。綠湖水以北。至直瀆。山而西八里。建北出門二。曰神策。曰金川。自金川北繞獅子山於中。雉堞相向。建門二。曰鍾阜。曰儀鳳。自儀鳳迤邐而南。建門二。曰定淮。曰清涼。以接舊西門焉。

其外郭西北則依山帶江。東南則阻山控野。周一百八十里。有門十六。東面之門凡六。曰姚

坊。僊鶴。麒麟。滄波。高橋。雙橋。南面之門凡六。曰上方。夾岡。鳳臺。馴象。大安德。小安德。西面之門一。曰江東。北面之門凡三。曰佛寧。曰上元。曰觀音。山川環列。氣象宏偉。誠東南都會也。

上元縣。

附郭。在府治東北。本秦秣陵縣地。吳曰建業。晉平吳。仍曰秣陵。太康三年。分秣陵北爲建業。尋改業爲鄴。建興初。又改曰建康。後因之。隋併爲江寧縣。唐初因之。上元初。改爲上元縣。今編戶二百三里。

江寧縣

附郭在府治西南。本秦秣陵縣地。晉太康二年分置臨江縣。三年更名江寧。在今縣西南六十里。後因之。隋開皇十年徙治。今城。又省秣陵建康。同夏三縣合爲江寧縣。唐武德三年改曰歸化。八年改曰金陵。明年又改爲白下。貞觀九年復曰江寧。上元初改爲上元。天祐十四年楊氏復析上元置江寧縣。今因之。編戶三十六坊。廂七十四里。

秣陵城

在府東南五十里。秦縣屬鄆郡。志云。始皇三十七年自會稽還。改金陵爲秣陵。漢因之。武帝封江都易王子纏爲侯邑。尋屬丹陽郡。建安四年孫策渡江攻秣陵。十七年權自京口徙秣陵。改爲建業。而舊治如故。孫皓寶鼎初山賊施但自秣陵逼建業。諸葛觀迎擊之於九里汀。晉永康中郗隆爲揚州刺史治秣陵。沈約曰。秣陵縣本治去京邑六十里。今名故治村。義熙九年移治京邑之鬪場。元熙初又省揚州禁防參軍縣移治其處。二年劉裕受禪奉帝爲零陵王。即宮於故秣陵縣。梁紹泰二年徐嗣徽等引齊兵登蕪湖入丹陽。至秣陵故治。此皆故秣陵城也。胡氏曰。今西州橋治城之間。即晉元熙初移置秣陵縣之地。實錄云。在故臺城南八里小長干巷內。吳氏若曰。故秣陵北抵句容。西抵建康。防守最切。其南卽九里汀。東入秦治。漑田百餘頃。宋置秣陵鎮。在今秣陵橋東。元置巡司及稅務於此。今爲秣陵關。

建康城

在府治南。本秦秣陵縣地。江表傳。張紘謂孫權曰。秣陵楚武王置。本名金陵。地勢岡阜。連接石頭。秦始皇東巡。望氣者言金。陵地。形有王者都邑之氣。故掘斷連岡。改名秣陵。今處所具存。宜爲都邑。劉備東過秣陵。亦勸權居之。獻帝春秋建安十七年。孫權自京口徙秣陵。曰。秣陵有小江百餘里。可以安大船。吾方理水軍。當移據之。尋改曰建業。吳赤烏十年繕修宮室。改作太初宮。居之。王氏曰。建業本秣陵地。非秣陵治也。孫權作石頭城。因徙秣陵。改置建業縣。晉平吳。復爲秣陵。太康三年復分秣陵之水。北置建鄴縣。爲丹陽郡治。建興初改曰建康。宋白曰。晉分秣陵爲二邑。自淮水南爲秣陵。北爲建業。是也。隋平陳。省建康入江寧。元和志。建康縣城在上元縣南二里。

石頭城

府西二里有石頭山。輿地志：山環七里一百步。北緣大江，南抵秦淮口，去臺城九里。山上有城，相傳楚威王滅越，置金陵邑。於此圖經：石頭城在上元縣西四里，南抵淮水，當淮之口，南開二門，東開一門，其南門之西者曰西門，又有石頭倉城。倉城之門曰倉門。漢建安十六年，孫權徙治秣陵。明年城石頭，貯寶貨軍器於此。諸葛武侯使建業，曰：石頭虎踞，王業之基也。其地控扼江險，爲金陵必爭之處。王濬帥舟師過二山，鼓譟入石頭，孫皓遂降。晉永康二年，郝隆爲揚州刺史，參軍王濛鎮石頭，將士爭往歸。遼隆遣從事於牛渚，禁之，不能止。將士遂奉遼攻，殺之。時隆鎮秣陵，胡氏曰：於牛渚禁將士往石頭，疑揚州遠治淮南也。或曰：時趙王倫篡逆，齊王閻鎮許昌，移檄討倫，將士欲奉遼，西應閻，故隆於牛渚禁之耳。六朝嘗以腹心大臣鎮守，東晉永昌元年，王敦自武昌舉兵向建康，以征南將軍周札都督石頭諸軍事，守石頭。敦至，札閉門納之。敦據石頭，嘆曰：吾不復爲盛德事矣。帝命刁協、劉隗等帥衆攻石頭，皆大敗。太寧二年，王敦復自姑熟謀犯京師，命溫嶠、卞敦守石頭，咸和初，庾亮疑蘇峻、祖約，又畏陶侃，修石頭以備之。二年，峻以歷陽叛，亮使弟翼備石頭，旣而峻入臺城，聞西方兵起，遂逼帝遷於石頭。陶侃等以勤王之兵東下，會於石頭，官兵共攻之，卒不能克。四年，侃等入石頭，京邑之禍始解。永和八年，以謝尚戍石頭。太和五年，桓溫伐袁瑾於壽春，使劉波鎮守石頭。隆安二年，王恭復自京口叛，桓元以江陵之兵應恭，進至橫江，詔會稽世子元顯守石頭以備之。俄而元等至石頭，丹陽尹王愷發京邑士民拒守。五年，孫恩自海道奄至丹徒，建康震駭，命冠軍將軍高素等守石頭。元興三年，劉裕討桓元，元潛具舟石頭，聞桓謙等軍敗，遂出南掖門，西趣石頭，浮江南走，裕入建康，卽徙屯石頭。義熙四年，劉裕以劉道憐爲并州刺史，戍石頭。六年，盧循入寇建康，軍敗，裕方平南燕，倍道馳還，發民亟治石頭城，議者謂宜分兵守諸津要，裕曰：賊衆我寡，若分兵屯守，則人測虛實，且一處失利，則沮三軍之心。今聚衆石頭，隨宜應赴，旣令彼無以測多少，又於衆力不分也。旣而循至淮口，裕自屯石頭，恐循侵軼，伐樹柵石頭淮口。元興初，劉裕以其子義真爲揚州刺史，鎮石頭。宋元嘉初，以皇弟義宣鎮石頭。三十七年，魏主濛入寇，至瓜步，聲言欲渡江，詔太子劭守石頭，統水軍。丹陽尹徐湛之守石頭倉城，上登石頭城，有憂色。三十年，元凶劭弑，逆濬在西州，未得劭信，時南平王鑠戍石頭，濬從南門出，徑向石頭，俄而劭馳騎召濬，將軍王慶未知濬與劭同謀，勸濬曰：太子反逆，天下怨憤，明公但當鑿閉城門，坐食積

粟不過三日。凶黨自離矣。濬不聽。劾使檀和之戍守石頭。未幾。武陵王駿自尋陽東討劬黨。蕭斌勸劬勒水軍。自上流決戰。江夏王義恭恐南軍不利。給劬曰。駿遠來疲弊。正宜以逸待之。割棄南岸。柵斷石頭。此先朝舊法也。劬從之。駿既至。或勸劬保石頭。劬曰。昔人所以固石頭者。俟諸侯勤王耳。我若守此。誰當見救。惟應力戰決之。又元徽二年。桂陽王休範自尋陽舉兵東下。蕭道成議堅守宮城。東府石頭以待賊。至因分遣沈懷明戍石頭城。昇明初。中書監袁粲鎮石頭。粲知蕭道成有不臣之志。陰欲圖之。既而沈攸之舉兵江陵。粲欲爲難。道成黨蘇烈等助粲守石頭。因據倉城拒粲。道成復遣戴僧靜自倉門入。助烈等攻粲。粲敗死。百姓歎可憐石頭城者也。三年。道成封齊公。以石頭城爲其世子宮。一如東宮。齊建元二年。魏人南侵。詔內外募戢。徵南郡王長懋鎮石頭。永元三年。張欣泰等謀廢立。其黨迎建安王寶寅於石頭。向臺城。至杜姥宅。城門閉。謀不得發。衆遂潰。既而蕭衍東下。東昏侯使張瓌鎮石頭。瓌旋棄石頭還衍。遂自新林移鎮石頭。命諸軍攻六門。未幾。東昏侯爲其所弑。國子博士范雲送其首詣石頭。梁太清二年。侯景作亂。詔西豐公大春守石頭。景兵至闕下。大春棄石頭奔京口。別將彭文粲等以石頭降景。景使其黨于悅守之。既而景攻圍臺城。久未下。時景軍乏食。東城米可支一年。而援軍斷其路。景乃佯爲求和。因運東城米入石頭。攻圍愈急。臺城遂陷。承聖初。王僧辨。陳霸先討侯景。自張公洲乘潮入淮。景塞淮口。又緣淮作城。自石頭至於朱雀桁。十餘里中。樓櫓相望。以拒官軍。僧辨問計於霸先。霸先曰。前援軍數十萬。皆隔水而望。竟不度岸。賊登高望之。表裏俱盡。故能覆我師。徒今圍石頭。須度北岸。乃於石頭西落星山築柵。衆軍次連八城。直出石頭東北。景恐西州路斷。亦於石頭東北築五城。以遏大路。僧辨尋進軍於石頭城北。招提寺。侯景陳於西州之西。合戰。景大敗。賊將盧暉略以石頭降。敬帝初。王僧辨立蕭淵明爲帝。屯石頭。陳霸先自京口襲之。其將侯安都亦自京口帥水軍趣石頭。至城北。葉舟登岸。石頭城北接岡阜。不甚危峻。軍人捧安都投於女垣內。衆隨而入。霸先兵亦自南門入。遂殺僧辨。既而譙。秦二州刺史徐嗣徽以州入齊。導齊兵渡江。據石頭。陳霸先自義興馳還建康。齊人度粟馬入石頭。又於倉門水南立二柵。與梁兵相拒。霸先進兵攻二柵。縱火焚之。石頭城中無水。霸先絕其南北汲路。四面攻圍。齊將柳達摩危懼。請和而去。陳大建二年。復修石頭。以貯軍食。隋開皇九年。平陳。毀建康城邑。更於石頭置蔣州。晉王廣班師。留王韶鎮石頭。委以後事。唐初亦置蔣州於此。

武德四年爲揚州治。七年平輔公祐，仍爲蔣州。八年建揚州大都督府治焉。明年揚州移治江都。此城遂廢。武后光宅中，徐敬業舉兵討武氏，使其徒崔洪渡江守石頭，敬業平，因分軍戍此，尋置爲鎮，仍徒縣倉實之。建中四年，時朱泚作亂，江東觀察使韓滉築石頭，修塢壁，起建業，抵京峴，雉堞相望，以自固。又於城中穿井，皆百尺。元和二年，李錡爲鎮海節度使，遣兵修築石頭，謀據江左。宋紹興初，議者以建康城西隅，據石頭岡阜之脊，以立城基，險與敵共，當於石頭故址修築塢壁，使敵不敢據高臨下。丹陽記：石頭城，吳時悉土塢，義熙中始加磚累石。因山爲城，因江爲池，地形險固，有奇勢，亦謂之石首城。六朝記：孫權緣淮立柵，又於江岸必爭之地築城，名曰石頭，常以腹心大臣鎮守。今石城故基，乃楊行密時稍遷近南，夾淮帶江，以盡地利，其形勢與長干山連接。又有石頭倉。六朝時與太倉及常平倉爲三倉。梁天監初，江州別駕鄧繕說刺史陳伯之作亂，云：臺城府藏空竭，三倉無米，是也。張舜民曰：石頭城者，天生城壁，有如城然。在清涼寺北覆舟山上。江行自北來者，循石頭城，轉入秦淮。陸游曰：龍灣望石頭山不甚高，然峭立江中，繚繞如垣牆。清涼寺距石頭里許。西望卽宣化渡及歷陽諸山也。一統志：今清涼報恩寺卽石頭城之地。楊吳名興教寺，南唐曰石城清涼寺，明洪武中易今名云。

江寧城

在府西南六十里。晉武帝太康初分秣陵立臨江縣。二年更名江寧。其治所臨江濱。南爲江寧浦。大寧二年王敦使王含等犯建康，敗遁。溫嶠等追之於江寧。咸和初石勒將石聰寇淮南，建康大震，詔王導軍於江寧。劉宋元嘉末，武陵王駿討元凶劭，使柳元景爲前鋒。元景以舟艦不堅，倍道兼行，至丹陽，步上。旣而武陵王亦至江寧，齊東昏侯末，蕭衍東下，遣曹景宗等進頓江寧。李居士自新亭馳至江寧，爲景宗所敗。梁敬帝時，徐嗣徽等據石頭，與陳霸先戰不勝，因往采石，迎齊援軍，將還石頭，霸先遣兵詣江寧，據要險，嗣徽等水步不敢進，頓於江寧浦口。霸先遣侯安都帥水軍襲破之。金陵覽古云：新亭去江寧十里。宋白曰：晉咸和初，以江外無事，於南浦置縣。今江寧縣南七十里，故城在焉。隋開皇十年移於冶城，自是故城遂廢。胡氏曰：宋白所謂今縣，乃天祐十四年楊吳所置縣也。其故城宋爲江寧鎮。呂氏社曰：江寧鎮太平入建康水陸之衝也。其地去大城岡，馬家渡尙遠，關係至重。王敦、蘇峻、犯建康，宋武帝駿、梁武帝衍起兵，皆屯此。今有江寧鎮巡司。元至元十六年，明太祖自太平取集慶諸軍，水陸並集，至江寧。

鎮攻陳兆先營克之進圍集慶拔其城今江寧驛置於此

臺城

在今上元縣治東北五里本吳後苑城也晉平吳置建業縣於秣陵水北南渡建都依苑城以爲固太寧二年王敦使王含等入犯議者以苑城小而不固宜及含等軍勢未成出城拒戰郗鑿以爲不可乃止咸和三年蘇峻作亂入臺城旣而退遷帝於石頭逼劫居民聚之後苑使其黨匡術守苑城四年術以苑城來歸陶侃等推陸曄督宮城軍事命毛寶守南城鄧岳守西城宮城卽苑城之別名南城西城卽苑城南苑城西也旣而蘇逸等并力來攻不能克及亂平宮闕灰燼以建平園爲宮五年復於臺城內作新宮八年宮成名建康宮自是亦謂之宮城宋元嘉三十年武陵王駿討元凶劭劭兵敗閉守臺城六門於門內鑿塹立柵諸軍攻克之元徽二年桂陽王休範自尋陽入犯至新林其將丁文豪請直攻臺城休範卽遣文豪將兵趣臺城又城東有岡謂之臺岡蒼梧王末恆與左右於臺岡賭跳仍往青園尼寺晚至新安寺寺皆在臺城外也齊東昏侯末蕭衍鎮石頭命諸軍攻臺城東昏侯驅逼士民入城閉門自守衍合諸軍築長圍守之金陵記南北朝時建康無外城臺城以外惟設六籬門而已百官第宅皆在臺城外有警輒恃臺城爲固梁天監七年於朱雀門外渡淮五里樹國門以示觀望又於端門之外立石闕凡四高五丈廣三丈六尺侯景亂後宮宇多爲灰燼而石闕猶存梁史太清二年侯景逼建康始命繕修宮城爲受敵之備繼又命韋黯等分守宮城諸門及朝堂旣而景至列兵繞臺城百道進攻久之不能陷乃引元武湖水灌臺城闕前皆爲洪流明年景僞降而復叛乃決石闕前水百道攻城晝夜不息叛者引賊登城城陷承聖初侯景爲王僧辨等所敗還至闕下不敢入臺仰觀石闕歎息久之遂東走僧辨遣杜嗣入據臺城又宮城記吳時自宮門南出至朱雀門凡七八里府寺相屬自閭闔門北出承明門抵元武湖凡十餘里侯景之亂渡淮入宣陽門葉侃固守臺城以拒之景百道來攻不能克陳亦爲宮城隋平陳城邑故址悉皆毀壞唐光啓三年徐州叛將張雄屯揚州之東地遣其黨趙暉據上元暉治南朝臺城而居之遂叛雄雄尋拔上元暉走外城亦旋廢宋熈熙十五年陳亮請經理建業言今之建業非昔之建業也臣嘗登石頭鍾阜而望直在沙鷺傍耳鍾阜之支隴隱隱而下今行宮據其平處以臨城市城之前則逼

山而斗絕焉。此後世之讀山經而相宅者之所定。江南李氏之所爲。非有據高臨下。以乘王氣而用之之意也。本朝以至仁臨天下。不恃險以爲固。故因而不廢耳。臣嘗問之鍾阜之僧。亦能言臺城在鍾阜之側。大司馬門在今馬軍新營之旁。其地據高臨下。東環平岡。以爲固。西城石頭以爲重。帶元武以爲險。擁秦淮清溪以爲阻。是以王氣可乘。而運動如意。若如今城。則費候景數日之力耳。曹彬登長十瓦朮上雨花臺。皆俯瞰城市。雖飛鳥不能逃也。南部志。今四十八衛以南。元津橋大街以北。卽臺城故處。

冶城

在府西石城門外。本吳冶鑄處。六朝時有東西二冶。以有罪者配焉。郡國志。王導移治於石頭。東顧樓山。以故地多園臺。謂之西園。太元十五年。建冶城寺於此。桓元入建康。廢寺爲西苑。尋復。故亦曰冶亭。義熙十一年。劉裕伐司馬休之於江陵。以高陽內史劉鍾領石頭戍事。屯冶亭。又梁敬帝初。徐嗣徽等據石頭。陳霸先使徐度立柵於冶城。以拒之。嗣徽等來攻。霸先自西明門出擊。嗣徽大敗。旣而霸先對冶城立航。悉度衆軍。攻齊入石頭。水南二柵拔之。陳永定二年。遣臨川王騫西討王琳。送之於冶城寺。隋開皇十年。移江寧縣治冶城。胡氏曰。冶城近石頭。在六朝西明門外。陸游曰。今天慶觀在冶城山麓。金陵記。冶城卽今府治西北朝天宮。楊吳之紫極宮。宋之天慶觀也。又有東冶亭。在牛山寺後。自建康東門往蔣山。至此半道。因名晉太元中。謝安爲揚州。袁宏爲東揚州。祖道治亭。宋元嘉六年。王裕之辭尙書令東還。車駕幸東冶。錢遂王安石詩。遙望鍾山峯。應知冶城路。謂東冶亭也。

越城

在府南六里。圖經。在江寧縣南三里。秦淮水南。范蠡佐越滅吳。欲圖霸中國。因立城於此。以威楚。今遺址尙存。亦名范蠡城。人呼爲越臺。晉太寧二年。王敦敕。自于湖遣王含。錢鳳。奄至江寧南岸。詔遣段秀乘夜渡水擊之。大破之。於越城。義熙六年。盧循至淮口。劉裕修治越城。使王仲德屯守。齊永元二年。崔慧景逼臺城。蕭懿自小峴入援。自采石濟江。頓越城。舉火城中。鼓叫稱慶。明年。蕭衍東下。至新林。命王茂進據越城。是也。宋呂祉曰。越王城。故基與長干相接。憑高下瞰。城內爲輿敵分險處。宋初。曹彬下江南。登長干。北望金陵。問其地。曰。伏龜案也。督軍攻之。南城遂陷。今府西南聚寶門外。曰長干里。其間民居稠密。大報恩寺在焉。江東人謂山隴間曰干。有大長干。小長干。東長干之名。城址與長干山相連。形勢特重金陵記。長干寺在長干里中。北去上元縣治五里。梁